

西南稀見方志文獻

第四十七卷

中國西南文獻叢書



中國西南文獻叢書·第一輯

西南稀見方誌文獻

第四十七卷



本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

本卷目錄

綏陽縣志

〔民國〕胡仁修 李培植纂……………

一

【民國】

胡仁修
李培枝纂

綏陽縣志

《綏陽縣志九卷》，民國胡仁修，李培植纂。本書據民國十七年（公元一九二八年）鉛印本影印，原書成品尺寸爲二十一厘米乘十三厘米，版框尺寸爲十六點二厘米乘十點七厘米。

民國十七年六月

綏陽縣志

壽良胡仁署



綏陽縣志序

在昔蘭臺珥筆瓠史成書冠聚髦毛裘綴狐腋蹠駁故實遂貽夾漈之譏摭拾浮言終媿子長之作故知文章不朽視乎其人國史必具三長郡乘實同一體未易言也吾黔綏陽縣志創修伊始紀載良難何況槃瓠舊疆周禮之職方未志侏儸殊俗春秋之內傳不書本重華益地之餘附遼義府志之內不有制作奚進文明然自明神宗叔建以來清世廟改隸而後滄桑遘變輿圖易觀璣璫之高風芳蘭遽歇詹鄮之名箸燼草無存矣邑人概杞宋無徵邾郕愈陋王太史作孚之志存撰述遽止於宗炳遠遊陳廣文廷鈺之力事纂修僅類乎裨謠草創迨末造三靈慘黷四海羣飛歎秉筆之無人拾墜緒於何日維民建國播志續修而綏陽寂焉無聞人皆措彙故之就湮余猶憾方志之多佚前在赤水軍次即聞縣志之編欣然曰革故鼎新之會抱殘守缺之秋諸君子讀鄭莫遺書事有可法者擬南董良史文不在茲乎爾乃搜殫書於汲縣求秦簡於河西考獻徵文似因實創開元十道之記已啓吉甫之蒐元豐

九域之書實繼憲宗以後左圖右史無忝前修舉要撮凡悉歸至當猶以醴陵集在江文通有作志難史之言涇縣志成洪北江有苟簡濫收之懼不類嚮壁虛造大都秉筆直書似此用心良非易事西成今膺省篆樂觀厥成時閱三年功竣一旦想見淮南之作兼有衆長呂覽之編博取羣議裴秀舉地官之職匪惟槩揭川原焉彪拾郡國之遺不獨發皇耆獻此則允爲綏陽搢紳之典則足備貴州通志所取材者矣從此求治之吏親民之官按疆域而志安覆孟稽戶口而心憂懸罄覽風俗則思居仁由義考食貨則念通商惠工以及勸課農桑振興庠序禮制嚴謹選政修明洵良吏之鴻猷亦劇郡之龜鑑殘膏賸馥豈惟沾溉後人鉅製宏篇快覩頡頏先哲

中華民國十有七年元月貴州省政府主席桐梓周西成序

綏陽志序

志書之作所以垂法戒便稽核明一地建置之沿革及其習俗之文野遷變俾好古者有所考求不至文獻無徵貽後人以數典忘祖之誚周禮職方氏所掌殆不外此其關係之重亦可知已吾黔志書嚮推興義遵義二府及省志爲最詳瞻蓋當時秉筆之士多富於文學詞章又提倡撰修者實爲一代名流故能佩實銜華蜚聲往昔今時世大變科學盛興老師宿儒漸就零落其間雖不無有志之儒冀成絕業而苦人才缺乏事體繁重往往望而生畏卒以輟止其能告成功快然無憾者未見也蓋中國文字之衰已非一日矣予攝篆綏陽公暇卽留心斯舉又綏邑不乏明達之士語之以此復樂爲贊襄因極力提倡竊維綏陽自有明萬歷創建有詹邑侯者曾著輿圖記惜遭西水之擾甲申之變散佚無存洎清初邑紳鄭松齡繼纂縣志惟書成未刊時朝命修方輿志邑令陟遐盛因採其稿成書八卷鄭莫府志所稱綏陽志者卽此也楊吳亂作兵燹之餘悉成炭燼今雖存草本節錄摘抄僅數十頁不過八卷

中一二首尾不具閱者憾焉前紳王太史作孚亦擬續修嗣以遠游未果後陳廣文廷銓慮古人盛蹟將自此淹沒亟起捐貲稟辦方屬稿值反正遂已論者謂此殆非其時也夫一志書耳其難就乃如此豈果人才缺乏事體繁重與抑亦顯晦之機自有定數非夫人力所能強求也按綏邑四封方三百里疏仡之世隸於梁州秦漢之間界在巴蜀屬牂牁郡唐爲播州地此後遞土遞流倏夷倏漢千餘年間滄桑屢易惟自宋明以降文教漸興中間政治之得失風俗之媿惡皆有足爲後世鑒者他如高人逸士節烈忠貞之流風餘韻迄今聞諸故老猶覺可歌可泣足以感發人之性情非有記述以表彰之載之簡策以流傳不朽曷以鍼砭末俗鼓吹休明闡幽光而昭炯鑒乎若夫咸同之兵戈迭起光宣之新政頻頒凡夫國故朝章犖犖大者皆不能任其疏脫付之闕如用是力爲籌商設局採訪竭蹶從事務求翔實不取虛誣編纂兩期幸獲告竣縱煞費苦心不顧也予材疏學淺不諳掌故之學乃能竟前人未竟之緒斯故諸紳耆勛之力而亦未嘗非冥冥中先哲賢良有以默相之此後壽

諸名山傳其人或之可少補風化裨益後學是固予之私願而有盼於將來者也稿
既定爰誌其緣起如此

中華民國十有六年丁卯知綏陽縣事珉州胡 仁序

綏陽縣志



三

中二百里不具則有... 王太妃作... 綏陽縣志... 其時也夫一志... 有定數... 開界在... 自宋明以降... 人進士... 情非有... 則則... 中... 應... 廣...

綏陽縣志

原序

天下之廣東西南朔風土不齊古太史採風以獻王廷誠巨典也今聖天子當陽聲教四訖德威廣播遐陬異域莫不梯山航海望風景從卽有時省方問俗亦難遍歷周知此一統志之修所不容已也稽古職方所載九州大勢略備閒覽而十五國風採民間之歌謠占人心之雅正見政治之得失正變貞淫懲勸法戒臚列方冊瞭如指掌又卽州縣志之所由起也綏陽爲禹貢梁州之域天文井鬼分野永山仙嶺周環保障雅水清泉旋繞隄封南連遼湄羊腸萬疊北界桐正鳥道千廻況文才武略不無著績之人花香草瑞胥爲載筆之物一經收集千載流芳志豈可不修乎且志之所載取其扼要方輿不志星野疆域山水形勢莫知界限建置不志城郭廟壇縣治學宮莫詳創作祀典不志犧牲不陳粢盛不備無以卻旱溢之灾官職不志善政不存治道易沒無以觸甘棠之思推而食貨有志選舉有志人物藝文有志班班可

考詎不要哉溯前明詹公淑當設縣之始撰有輿圖志惜遭兵燹遺集散失迨甲寅前令唐椿僅得鄭松齡殘稿欲修而未全某自乾隆二十三年十月到黔卽蒙委署綏篆旋奉各憲檄飭查議志書不修文獻無徵故到任之日卽覓縣志書吏茫然無以應旋集通邑紳士採輯前令殘稿設立公局囑以各盡所長共勸厥事務期詳搜博採稽實核真刪繁補缺彙輯成帙使事事有切政治有益風化庶可與職方風詩省志郡乘並垂奕禩云

乾隆二十四年己卯攝綏陽縣事澄海陳世盛謹識

續修綏陽志序

志乘之作擬於古之陳詩觀風職方所載由來尙已而吾竊于綏修志經過之歷史而有慨焉遐考綏邑自平播設縣詹公爲之創始即撰有輿圖志繼以唐公椿又繼以陳公世盛一則修而未竟一則纂而成帙卒因兵燹散佚今所存者僅陳之抄本十餘頁而已越至清末詹公愷來宰是邦奉諭創設學堂委貢生陳君廷鑑蒞辦學務煥亦忝與其間每當公餘茗談深有慨于志乘之闕如亦嘗議及修纂矣究之詹既不久于任陳亦轉瞬作古因而未果延至 年遵義有續修府志之舉飭五屬爲之採集我邑任其事者爲李君培枝加以郡城徐孝廉大藩來綏守候時李君任邑學董身染瘡疾猶朝夕操觚不敢告勞兩閱月而竣事蓋以屬在地方義務春秋之義責無旁貸且預爲縣志地耳迨己未秋邑侯陶公承中央纂修之令以陳君大經總其事時僅有李君府志遺稿交局外以採訪無效踰歲毫未拈筆既而匪氛四起風鶴時驚茲事遂以擱置而陳亦旋故此此前此創辦之大略情形也洎夫乙丑地方